

Saopćenje o obavljenoj profesionalnoj ocjeni rada vrhovnih revizijskih institucija u Bosni i Hercegovini

SIGMA, zajednička inicijativa Evropske unije i Organizacije za ekonomsku saradnju i razvoj (OECD) obavile su treću profesionalnu ocjenu rada ureda za reviziju u Bosni i Hercegovini u 2019/2020. godini. Cilj je bio da se pruži podrška uredima u njihovom razvoju, kako bi nastavili ispunjavati međunarodne standarde i dobre evropske prakse. Profesionalnu ocjenu rada inicirao je Koordinacioni odbor vrhovnih institucija za reviziju u Bosni i Hercegovini početkom 2019. godine.

Zaključak izvršene ocjene pokazuje da uredi za reviziju napreduju i da su postali zrele institucije, spremne da se konstantno nadograđuju i nižu nove uspjehe. Svoju praksu razvijaju shodno očekivanjima međunarodnih standarda, pružajući visok kvalitet rada, čime su „prakse jedne od najjačih u regiji“.

Kako bi revizorske institucije u BiH dodatno unaprijedile svoju poziciju, akcenat treba biti na širim praksama upravljanja, poput strateškog i operativnog planiranja, upravljanja ljudskim resursima i saradnje s relevantnim akterima. Budući da su strateški planovi ureda za reviziju u BiH istekli 2020. godine, ova profesionalna ocjena rada bit će ključna za definisanje sljedećih koraka u poslovanju.

Ured za reviziju institucija u Federaciji Bosne i Hercegovine će se, kao i dosad, truditi da provede preporuke iz izvještaja o profesionalnoj ocjeni rada, s ciljem afirmisanja uloge Ureda kao nezavisnog i kredibilnog revizora javnog sektora.

Izveštaj je dostavljen Parlamentarnoj komisiji odgovornoj za reviziju i dostupan [ovdje](#).

Sarajevo, 31.12.2020. godine